

鄧海濱著

世界書局印行

環遊二十九國記



環遊二十九國記

鄒魯自署





影 撮 之 時 國 歸 者 記



記 出 國 時 之 攝 影

序言

此次旅行歸國。人間有所得乎。則肅然對曰。吾斯之未能信。自惟遵德居業。有志遠逮。不能以溫良恭儉讓之感召。以聞人國之政。而言文扞格。時日遄遽。安敢云有所得乎。然而一履其境。則學校。工廠。醫院。公園。森林。道路。田畝。牧場。無一不接於目而警於心。甚至一禽一獸。一草一木。均足以資吾啓發。益以同志僑胞。隨事指導。友邦賢達。備予諮詢。安敢云無所得乎。於是信筆而書。取便記憶。而見仁見智。藉以就政於高明。蓋斯篇所記。純爲事實。不加論斷。願國人由事實而鑑別。由鑑別而取捨。而不囿於一人之見也。嗟夫。論科學建設。則貴趨變隨時。而道德人紀。則我有數千年之文化在。故因人之問。申其言以冠吾遊記之首。

昔中華民國十七年十一月十一日鄒魯

付印贅言

茲篇逐日記個人旅行見聞。正如走馬看花。範圍狹隘。不足以言旅行指南。或政俗攷察。

茲篇逐日在途記載。陸續寄上海報紙發表。非在一室一氣編成。故詞句章法。間有重複。

茲篇里數尺數。皆據當時聞見。卽行記錄。各國書籍及各國導者所述之里名尺名。各不相同。中有本國人所言者。更改合本國之里數尺數。以後欲追改一律。實又恐或有錯誤。治絲愈棼。因仍其舊。

茲篇初意。原擬記其大概。在報上作通訊發表。以後歸舟一月期中。再行補詳。及歸舟翻閱。已記者尚可彷彿。未記者完全茫然。且情過境遷。情感亦無由興發。雅不欲以調查及翻譯所得闖入。反失當日情事。故祇將原稿付印。不加添改。

茲篇教育政治等。悉記與各國當局談話。及耳目所見聞者。其一切法律章程。概未列入。以法律章程。具在各國官書或專書中。可以一查便悉也。

茲篇所記聞見。間有詳略。以隨時事物之接觸不同。而精神之良否亦異。至美洲較略。則當日實祇擬記其大概。

此次遊歷有一國。曾往返數次。既非一地。更非同時。故往往散見前後。目錄遂分爲二。須合觀方明。

茲篇譯名。凡中國書有者多依之。并附其對照表於篇末。

茲篇逐日途中率記。極少書籍參攷。錯誤所在多有。深愿高明賜予教正。

目次

序	一一一
贅言	一一二
日本	一一〇
美洲五國	一七七
美利堅	一
墨西哥	二九
巴拿馬	三四
古巴	四四
加拿大	五九
法蘭西	一一九
瑞士	一二九

意大利……麻納哥……	一一三八
奧大利……	一一一〇
匈牙利……	一一一七
捷克斯拉夫……	一一一二
德意志……	一一一八
瑞典……挪威……丹麥……	一一一六
荷蘭……	一一一三
比利時……盧森堡……	一一一四
英吉利……	一一二〇
葡萄牙……西班牙……	一一二三
地中海東岸諸國——非洲——歸途……	一一〇〇
希臘……	一
土耳其……	一七

西里亞……………三四

巴力士登……………四二

埃及……………四六

印度……………七四

新加坡……………八二

安南……………八七

旅行意見……………一九

中西文人名地名對照表……………一六

附索引……………一一〇

環遊二十九國記

日本

1

中華民國二年。余當選衆議院議員後。曾爲旅行計劃。蓋衆議院任期三年。每年開會。逢展期至多六個月。擬第一年閉會後之六個月。旅行全國。第二年閉會後之六個月。旅行全球。乃計劃失敗。亡命日本。此計劃遂無從實現。十四年任國立廣東大學校長時。擬往各國調查教育。籌備一切矣。爲清黨事。開第四次全體執行委員會於西山。總理靈前。從同志後。不敢告勞。遠行之意。亦卽中止。及去冬中央特別委員會停頓。自維棉薄。無補時艱。遂毅然決心浮海。族兄敏初。助以旅費。由江蘇交涉署。取得游歷護照。乃成行焉。

中華民國十七年一月十四日。乘大洋丸出國。同行有許汝爲兄及其家眷。居覺生程天固陳翰譽諸兄。並內弟許少榮。日友山田君與焉。覺生山田留日本。少榮則送至日本橫濱。瀕行同志及親友送者數十人。迨船出吳淞口有感。口占一絕云。

誰云此壯行。多難乃辭國。周遊可興觀。吾願師孔墨。

時船中有相呼者。見之不識。詢之知爲廣東大學學生陳丘二君。赴日本留學者。嗣復遇同學甘梁二君。皆廣東大學員生。尙有莫君等四五人。乃往神戶任教員者。舊時同學離別久矣。不圖在此晤見數人。心神至暢。

十五日風平浪靜。

十六日早三時汽笛鳴。船過門司。而行內海。早餐後與廣東大學員生閒話。其後寫書數封。入夜船抵神戶。因霧不能泊岸。旋有水警來云。得內務部令。特來招待。并問明日行程。且備有汽車二輛使用。新聞記者亦紛至。是夜覺生山田少榮宿於岸上。

十七早起有黨部同志楊壽彭陳清機楊尙之等先後來訪。覺生山田少榮等亦回船。日友菊池水野萱野諸君及新聞記者均至。寒喧後。偕覺生汝爲等至同志處。途經當地政府所

備汽車至大阪。先後參觀朝日新聞社。每日新聞社。乃乘車至西京。遊金閣寺。園林池沼。點綴至美。行跡所至。各地政府皆派警察三人保護。當夜即乘車赴東京。

十八日晨車到東京。黨部同志日本友人來者甚衆。事先未曾電知同人。而能推測行期。咸來相接。殊可感也。至帝國飯店。與同志日友新聞記者晤談後。即與汝爲覺生等訪參謀部局長松井。此君固專司對吾國外交軍事計畫者。其對於中國野心。即可於談話中見之。蓋不云助某。即云助某也。嗣訪秋山夫人。犬養毅君。并弔寺尾先生之墓。秋山寺尾皆向助吾黨者。均已故。晚與覺生同赴東京總支部歡迎會。松井回拜。汝爲招待之。

十九日上午與廣州中山大學教授費鴻年。參觀帝國大學。該大學教授入澤博士。引觀甚殷。前入澤奉其政府命至中國時。在廣州與有杯酒緣也。此大學地震被燬以後。今已煥然一新。十五年未至日本。今來於地震之後。反覺無一不較以前爲進步。而道路平闊。交通便利。其最著者。蓋昔時路皆浮石。今則土敏土矣。前之汽車所見至僅者。今日通街滿巷矣。即其長途國路。亦至平直。

下午與同舟諸人。乘車遊熱海。途經江之島鎌倉鰐焉。江之島爲井濱沿岸一小海島。通以長木橋。既抵島。歷階而上。未半則爲烏巖。復上乃至神社。兩旁貝類店甚多。次爲茶社。神社四圍。偏植花木。尙稱雅潔。比返再乘車至鎌倉。遊長谷佛寺。中有大佛。高可三丈餘。面長可八尺。外莊中空。佛腹可遊。佛背有窗。自內可以望外。遊後仍乘車赴熱海。至熱海已夜八時有奇。各人先後入溫泉浴。蓋專爲溫泉來也。

二十日上午遊熱海海旁。一路風景至佳。及遊梅林。梅花正盛開。冷香沁人。清豔無比。乘車返橫濱。與汝爲夫固翰譽及汝爲家眷乘原船東行。覺生少榮因欲留日少遊。然後返國。遂亦捥別。行時各同志多來橫濱相送。手執青天白日旗。國外見此。其喜可知。船開未久。爲風浪所苦。臥不能起。

十一日仍暈船。兼腹痛。僵臥不能飲食。使者再三勸餐。乃強進少許。因口占云「殷勤將飲食。爲汝竟加餐。」

二十二日風止。腹疾亦愈。得詩一首。

放舟太平洋。洪濤勢欲狂。云是冷熱流。於此一徜徉。平時已洶湧。况值風力

強。海水聳船面。浪花濺危橋。舵樓試極目。八表竟昏茫。回顧操舟者。履險若洋洋。居危不驚擾。荊棘自康莊。俄而風浪靜。舉舟喜相望。謀國亦如是。何爲翻覆忙。

是日檢查日歷。知爲夏歷除夕。回憶兒時歡樂。爲之悵然。

二十三日黎明卽起。倚船面四望。大海茫茫。祇見朝陽。成一詩。

大海茫茫。惟見朝陽。白波相接。碧水飛揚。樓船乘浪。稊米太倉。壺中天地。寢食安康。萬有羅列。我心是王。何小不入。何大不藏。舉頭四望。渺乎八荒。

二十四日船中稍事看書及遊戲。

二十五日起身後。見羣鷗飛翔。四無島嶼。因口占云。

水鷗拍拍傍船飛。何自來儀何處歸。我亦東西南北者。海天容與共忘機。

晚得三藩市總支部陳耀恆同志。來電歡迎。并云已電檀香山黨部接船。

二十六日同船日本人要求寫字。因識其中數教授。入澤并用函介紹佐藤男爵。數教授

及佐藤均赴歐者。晚日本人以食物見貽。蓋答今日之字也。

二十七日得伍梯雲兄電。知與展堂哲生諸兄。於二十五日西行赴歐。是夜得見月詩一首。

去國十餘日。今宵見月明。朦朧雲妬月。根觸後園情。

二十八日爲余生辰。因船東行。中間須增一日。方能合歷。故此有二十八兩日。兩日皆無事。吟成一詩。

東航逐度早逢寅。添日方能合歷旬。却喜今番花樣趣。一年竟得兩生辰。

余對於詩。素抱「不吟藏拙」之戒。今在船上。不覺興發。信乎拈來。聊以自遣爾。

二十九日明日船可抵檀香山。預作書以寄國人。

三十日午船抵檀香山。泊岸。卽有檀香山總支部代表。各團體代表數十人。身佩歡迎徽章。前來碼頭。最奇者則各人持花串掛於受歡迎者各人之頸。初甚訝。繼知此間俗例也。余及汝爲天固翰譽等。上岸後卽先後至黨部各團體處致候。至十二時有奇。赴自由戲院之黨部及全檀各團體之歡迎會。院雖大而座爲之塞。然秩序至良。相繼演說畢。卽

赴公宴。皆謂今日同志同胞之踴躍。實空前所未有。蓋黨部自受共產黨分化後。前星期始歸統一。見黨員之和氣一團。心爲之慰。宴後由黨部及團體代表。乘車導遊各名勝。至巴里山徑。據云土人抗拒美人時。敗至此山。始完全屈服。故美人立碑以爲紀念。山徑風勢頗烈。立其山角。幾爲吹倒。或四面兜風所致。其地茂樹成林。綠草如茵。土人之在山凹者。男女互相謳歌。人極平等。故吾僑除入境受苛外。住此尙能相安。計華僑之在此者。共有二萬五千一百九十八人。就中有一萬四千四百二十一人。兼入美籍。至於財產。祇不動產一項。已有一千七百四十七萬四千二百金元。納諸政府之稅。去年一年之內。計七十萬八千八百七十七元。而吾僑之教育。亦頗不惡。計入當地學校之學童。共五千九百四十二人。而專讀中文者。亦有二千五百人。此各種學童中。受公共慈善機關補助者。不過八十九人。其餘皆自費。則吾僑之財力教育。亦可於此見之。其受高等教育者。只以此地夏威夷大學論。已有中國學生一百五十六人。來自中國者不過六人。其在美國各大學肄業者。仍不在內。

此地教育甚普及。復有夏威夷大學。此校創於一九〇七年。初爲農科及工程科大學。